

本經疏證
復

子仙珍藏

本經疏證第五卷

目錄

髮髮

人尿

襚襦

龍骨

阿膠

雞屎白

雞子黃

雞子白

石蜜

牡蠣

文蛤

橘柚

大棗

麻子仁

飴餠

冬葵子

瓜蒂

瓜子

瓜蒂

瓜仁

火棗

粗子

細子

參炙子

白蜜

蜂蜜

文地

白地

潤腸

猴梨白

猴梨黃

猴梨白

髮髮

人髮

髮髮

髮髮

目錄

本草綱目卷五

本經疏證第五卷

武進鄒澍學

陽湖後雞子黃煎之消

上品人三味獸二味禽二味蟲魚三味果二味穀二
味菜三味

髮髮味苦溫小寒無毒主五癰關格不通利小便水道

療小兒癰大人瘰癧仍自還神化合雞子黃煎之消爲水

療小兒驚熱亂髮微溫主欬嗽五淋大小便不通小

兒驚癇止血鼻衄燒之吹內立已

髮髮乃剪髮下髮亂髮乃梳櫛下髮

綱目

髮以血生血由火成心者屬火而主血以髮還生其
血以血還養其心此之謂仍自還心合小腸小腸者

受盛之府

本輸篇

下連膀胱膀胱者州都之官津液藏

焉氣化則能出矣

靈蘭秘典論

水火合德而化氣此之謂

神化所以能利小便水道也腎之華在髮

六節藏象論

水

出高原髮者血之餘水者血之類

滑攪甯注

涕唾淚溺皆

同源於腎一涸則無不涸一通則無不通所以主五

癰關格不通也小兒之驚責在心氣之怯大人之瘧

責在脈絡之空欬嗽者心失養而火上炎鼻衄者血

爲火挾以上出燒爲灰迎血至而吹之亦可謂仍自

還神化者矣雖然血與水旣爲同類乃髮遇血則止

之遇水則通之何也蓋血與水同源於肺其精者爲

心火蒸逼而赤遂統於脾藏於肝則謂之血以其行

於陰也其麤者下三焦歸小腸膀胱則謂之水以其
行於陽也倘心火不精蒸變無由盡出於陽水道何
能不淤血亦何能不少此髮之用謂之血源清而水
自通倘心火蒸逼水液化血四出水道何能不潤血
又何能不溢此髮之用謂之水道利而血自止仲景
於豬膏髮煎所以榮血而利水於滑石白魚散所以
通水而和血用髮則一命意自殊非與本經同條其
貫不能如此隨手更化也

人尿療寒熱頭疼溫氣童男者尤良

李瀕湖謂人尿入胃輸脾歸肺下通水道入膀胱皆
其舊路據此則能利水已矣何以能療寒熱頭痛溫

氣也蓋中焦者營衛所會卽水道之化源也水道化源遲滯阻營衛之交會營病卽惡寒衛病卽發熱矣頭痛由乎溫氣旣忌散又無從清則導水下行之法卽降火下洩之法仲景於衄微下利與白通湯應利止衄旺乃反厥逆無衄乾嘔而煩則上有浮陽能合溫劑而生火下陽愈虛浮陽愈猖矣下焦之陰方逆猶可稍用寒涼以助之耶其加此於白通湯中亦治頭痛溫氣類耳後人擴充其旨用治血因火逆亦可謂善體古人者

婦人衄襠主陰易病當陰上割取燒末服方寸匕童女衄益佳若女患陽易卽須男子衄也

本草拾遺

女病新差男與合而染之謂之陰易男病新差女與合而染之謂之陽易其證身體重少氣少腹裏急或引陰中拘攣熱上衝胃頭重不欲舉眼中生花膝脛拘急病似甚重何以用燒裊散即可愈耶不知始病者既愈本無甚大邪不過餘熱未清而染病者係無病之人乃緣精氣洩後熱由虛入擾於精道致使阻礙小便既阻熱遂上行而有陰中拘攣等候其身重少氣少腹裏急等事苟非強壯之人房室後常有之不出半日愈矣主以燒裊散者病從是來即使之從是去也或曰條中並不言小便不利此何以增之蓋溺管卽是精竅若交接纔已小便隨通其熱原

得乘之而洩其得熱上冲胃必係小便反爲熱氣所阻否則方下何以特注小便卽利句且曰陰頭微腫則愈豈非以來路作去路之證乎於此見人身服物常著何處者卽與何處之氣相吸引推而廣之蓋有無限妙用於他物矣

龍骨味甘平微寒無毒主心腹鬼疰精物老魅欬逆洩利膿血女子漏下癰瘕堅結小兒熱氣驚癇療心腹煩滿四肢痿枯汗出夜臥自驚悲怒伏氣在心下不得喘息腸癰內疽陰蝕止汗縮小便溺血養精神定魂魄安五藏白龍骨療夢寐洩精小便洩精齒主小兒大人驚癇癰疾狂走心下結氣不能喘息諸瘧殺精物小兒五

驚十二癰身熱不可近大人骨間寒熱又殺蠱毒

得人
漫牛

黃良畏
石膏

角主驚癰癰瘥身熱如火腹中堅及熱洩久服

輕身通神明延年

生晉地川谷及泰山巖水岸土穴中

死龍處採無時

畏乾漆蜀
椒埋石

論龍骨者紛紛異辭彼此辨詰予則謂均不足信何
者醢龍龍斃卽古誠有是事其骨亦決難入藥乃圖
經復證以北夢瑣言謂龍實有死者若必待龍死乃
得其骨則千百年罕覩之物矣蛻骨之說似屬可信
然龍之骨豈誠如麋鹿之角蛇之皮蟹之螯耶角可
蛻皮可蛻螯可蛻骨又焉可蛻况凡骨必其中有空
隙今之龍骨無有也是誠龍之骨耶不知龍純乎氣

之物秋冬則隨地皆蟄是故濱海之區龍蟄水底無
 水之地龍蟄土中至春啓蟄則出土上騰其所伏處
 土遂黏埴似石而形實龍人得之謂爲龍骨其埋平
 實又何異焉或者疑雨爲陰謂龍能行雨必與陰爲
 類不知龍陽物也其能噴火固陽之性而雨則陽之
 所化是故龍噓氣成雲必於上而不於下其安居屈
 伏則不於上而於下亦可見陽之用雖在升陽之體
 則宜伏彼龍骨固盛陽伏而息焉之窟宅也其本體
 是土土爲萬物生長收藏之所本若爲龍所曾蟄之
 土則更爲水火發斂起伏之所由斂甚者能起而發
 之發甚者能斂而伏之此其用之神有非他物可比

擬者其在於人火離於土而不歸則驚癇癲狂水離於土而不藏則洩多洩利陰不附土而陽逐之則遺精溺血陽不附土而陰隨之則汗出身熱心下伏氣癥瘕堅結蟄而不能興也夜臥自驚恚怒欬逆興而不能蟄也種種患恙一皆恃夫龍骨以療之則其取義於土之能發斂水火又何疑焉彼譖妄狂易汗出煩渴之不用龍骨正以盛陽之結根於土也下利圉穀裏寒外熱之不用龍骨正以陰水之汨夫土也因是知龍骨之用固爲水火不依土設然又必水違土而有火之相迫火違土而有水之相尾者乃爲恰合也

阿膠味甘平微溫無毒主心腹內崩勞極瀉瀉如瘧狀

腰腹痛四肢酸疼女子下血安胎丈夫小腹痛虛勞羸

瘦陰氣不足腳酸不能久立養肝氣久服延年益氣

名貴膠生東平郡煮牛皮作之出東阿

畏人黃得火良

諸家論阿膠者於阿井水黑驢皮津津言之類多中

竅但以合之本經別錄主治傷寒金匱功能殊有不

盡符者予則謂阿膠能濬血之源潔水之流何則夫

不因經產非關六淫而生血之所氣潰敗以不繼血

奔溢以難止內則五藏之氣不凝外則經絡之血不

榮所謂心腹內崩勞極瀉瀉如瘧狀者則仗其取肺

所主之皮腎所主之水以火煎熬融洽成膠恰有合

於臚中火金水相媾生血之義導其源而暢其流內
以充藏府外以行脈絡也痰與飲皆爲水屬血亦水
屬水非熱不濁非撓亦不濁水濁於中則滓停於四
畔及洼坎不流之處所謂腰腹痛四肢痠疼者則仗
其取氣熏津灌之皮假水火烹煉成膠膠成之後隨
亦水消火熄恰有合於澄水使清各歸其所俾外廓
之氣悉會於中中宮之津得行四末流澈則源自清
外安則內自定也云安胎則定係婦人治女子下血
爲婦人安胎亦疏其源以裕其流云丈夫則無與童
稚童稚天真小腹無因火痛者故惟治丈夫小腹痛
亦潔其流以通其源耳其虛勞羸瘦陰氣不足卽心

腹內崩所致腳酸不能久立卽腰腹痛四肢酸疼之
互文也肝藏血血衰則肝家之氣失所戀而耗散血
復則氣得所養而充旺矣

千金翼炙甘草湯之治曰虛勞不足汗出而悶外臺
炙甘草湯之治曰涎唾多心中溫溫液液皆胃中津
不流也黃連阿膠湯證無溼在中何以用芩連黃土
湯證無溼在中何以用白朮附子甘草黃土統是觀
之阿膠固欲其澄水使清歟抑亦不止於是也津液
在中塞滯不化則非激射外洩必欬逆外吐濇化血
之源俾有去路則壅者自消尙何激射欬逆之有名
曰導液實以益血一舉而兩利存焉矣火燔於上有

溼不足以濟之是以徒見火之燎原不見溼之停伏
在今日不過煩擾難安而他日下利膿血卽鍾於是
矣溼鬱於上有火不足以宣之是以徒見溼之下溜
而無火之熨煦在今日不過便後下血而他日土崩
瓦解已兆於是矣阿膠隨芩連是化陰以濟陽隨朮
附是和陽以存陰名曰益血實以導液亦一舉而兩
利存焉者也若夫邪氣牢固劫氣血而結癥瘕則用
厚朴烏扇半夏桂枝行氣而使人濇防其太濫用紫
歲牡丹桃仁蟄蟲通血而使阿膠挽其過當羸瘦過
甚氣血空而風氣襲之則用薯蕷白朮甘草益氣以
人濇率之用地黃芩薊芍藥當歸和血以阿膠導之

此鼈甲煎凡薯蕷凡之任阿膠亦不爲輕矣

陽明病脈浮發熱渴欲飲水小便不利少陰病下利
欬而嘔渴心煩不得眠皆用豬苓湯其中有阿膠當
以何者爲用阿膠確證兩者所患絕異惟渴則均有
之得毋緣渴而用之歟殆非也夫五苓散無阿膠亦
能治渴陽明病豬苓湯證有怵惕煩躁不得眠少陰
病又有心煩不得眠再證之以心中煩不得臥黃連
阿膠湯用阿膠則阿膠當爲不得眠設矣然太陽病
虛煩不得眠梔子豉湯虛勞虛煩不得眠酸棗仁湯
皆不用阿膠何也夫固曰阿膠治有津液有水溼不
能化血之候梔子豉湯證有火無陰酸棗仁湯證陰